

梁簡文帝集校注

(三)

〔南朝梁〕蕭綱著

肖占鵬 董志廣 校注



南開大學出版社

梁簡文帝集校注

(三)

〔南朝梁〕

蕭綱著

肖占鵬

董志廣

校注

南開大學出版社

凡例

一 《隋書·經籍志》著錄《梁簡文帝集》為八十五卷。今見明刊諸本乃時人由古代群書纂輯而成，皆非原集八十五卷之舊。明刊諸本雖編次卷數彼此互異，然所輯篇目則大略相當。第校其文字，知張燮《七十二家集》本較他本略優，今取其為底本，校本用《百三家集》與《文選遺集》，並以各類書、總集參校。

二 本書校勘，盡量不改底本文字。但於底本訛誤明顯須加訂正者，則徑直改正並出校記予以說明。遇與底本義可兩通且有參考之用的他本異文，亦為出校。

三 底本少量詩文後附有他人唱和之作，此乃明人輯書常例，今亦仍之，唯不出注，以別原作。

四 校勘所用諸本，僅底本於末卷後另有附錄，然視附錄條目及所收文字，實過簡略。今以新編者系之其後，非好疊牀架屋。

五 本書箋注，重在「釋事」，文中凡事出舊典或關涉掌故者，均詳加疏證，考明源流；凡徵引前史或取意經籍者，亦追溯出處，標明篇卷。

六 文字難識或義涉歧昧者，其訓解援據，悉從舊詁，不敢逞臆而斷，曲為之說。

七 簡文之作，其入《玉臺新詠》者，吳兆宜有注；其入《六朝文絮》者，黎經誥有注。今凡所採納，必存姓名，不敢掠人之美。

八 古人典籍，代有散佚，以李善之博學多識，其《文選》之注尚有不知出處者。吾輩無學，自知庸陋，故今注《梁簡文帝集》，或有經多方稽考而仍未盡詳者，則明加標識，付諸闕如。

目錄

卷之九

啟

請武帝御講啟	六五七
重請御講啟	六六一
又請御講啟	六六五
奉請上開講啟	六六九
謝上升為開講啟	六七三
重謝上升為開講啟	六七四
謝開講《般若經》啟	六七七
答同泰寺立剎啟	六七九
謝敕使監善覺寺起剎啟	六八一
謝御幸善覺寺看剎啟	六八三

謝敕資銅供造善覺寺塔露盤啟	六八四
謝敕資柏剎柱並銅萬斤啟	六八七
謝敕資錢並白檀香充法會啟	六八九
謝敕資苦行像並佛跡啟	六九一
奉阿育王寺錢啟	六九三
謝敕賜解講錢啟	六九九
謝賜錢啟	七〇一
謝資納袈裟啟四首	七〇四
又	七〇六
又	七〇八
又	七一〇
謝敕聽從舍利入殿禮拜啟	七一一

卷之十

書

謝敕使入光嚴殿禮拜啟	七一二
謝敕為建涅槃懺啟	七一四
謝敕參迎佛啟	七一五
書	七一七
答湘東王和受試詩書	七一七
答湘東王書	七二七
又答湘東王書	七三二
答湘東王上王羲之書	七四〇
答湘東王慶州牧書	七四二
答南平嗣王餉舞簾書	七四三
答定襄侯餉臥簾書	七四五
與廣信侯述聽講事書	七四七
與廣信侯重述內典書	七四八
廣信侯答晉安王書附	七五二
答新渝侯和詩書	七五三
誠當陽公大心書	七五五

卷之十一

序

答張纘謝示集書	七五七
與蕭臨川書	七六〇
與劉孝綽書	七六三
答蕭子雲上飛白書屏風書	七六六
答徐摛書	七六八
與魏南荊州刺史李志書	七七〇
與智琰法師書	七七二
又	七七四
吊道澄法師亡書	七七八
序	七八一
莊嚴旻法師《成實論義疏》序	七八一
《昭明太子集序》	七九九
臨安公主集序	八二四
馬槩譜序	八二七
三日曲水詩序	八三〇
八關齋制序	八三三

論 八三七

自序 八三七

勸醫論 八三九

彈碁論 八四九

卷之十二

七 八五四

七勵 八五四

頌 八九四

大法頌有序 八九四

邵陵王綸答皇太子示《大法頌》

啟附 九四七

玄圃園講頌有序 九四八

卷之九

啟

請武帝御講啟^①〔一〕

臣綱臣綸臣紀言^{〔二〕}：臣聞紫宮麗天，著明玄象^{〔三〕}；軒臺在嶽，逖聽良書^{〔四〕}。是以道彌隆而禮愈縟，德彌溥而事愈泰，此蓋彰至治之尊，牧生民之本也。伏以大光嚴殿^{〔五〕}，侔神垂則，沖天開宇，功深《大壯》^{〔六〕}，事協文明，儀辰建極，切靈啟構，照燭三光^{〔七〕}，含超百堵^{〔八〕}。咸謂心華所表，復非良匠之力^{〔九〕}；神通所現，不藉子來而成^{〔十〕}。實惟淨國，固絕董落之禮^{〔十一〕}；高邁釋宮，理無鹿鳴之宴^{〔十二〕}。竊惟妙勝之堂，本師於茲佛吼^{〔十三〕}；摩尼之殿，如來亦闡法音^{〔十四〕}。伏希躬降睟容，施灑甘露，油然慧雲，霈然慈雨，光斯盛業，導彼蒼生。履天居而說無相，同真也^{〔十五〕}；建佛事而被率土，化俗也^{〔十六〕}。同真化俗，至矣哉！一舉而三美顯，豈不大乎^{〔十七〕}？與彼陁山之上^{〔十八〕}，僊巖之下^{〔十九〕}，西都鳳

皇^{〔十九〕}，負陽驚鷲^{〔二〇〕}，安足同日而語哉？敢露丹愚，伏待矜遂，輕干聽覽，流汗戰懼。謹啟。

校記

- ①《廣弘明集》、閩本作「請御講啟」。
②乎，閩本作「哉」。

注釋

〔一〕《釋文紀·請武帝御講啟》，下有注曰：「帝天監中注釋大品，躬事講說。中大通七年以皇太子奏請，幸同泰寺發講《摩訶般若經》；大同七年講《金字般若波羅蜜三慧經》於華林園之重去殿。詳見蕭子顯、陸雲公《序》。」

〔二〕臣綱臣綸臣紀：《梁書·高祖三王列傳》：「高祖八男：丁貴嬪生昭明太子統，太宗簡文皇帝，廬陵威王續；阮脩容生世祖孝元皇帝；吳淑媛生豫章王綜，董淑儀生南康簡王續；丁充華生邵陵攜王綸；葛脩容生武陵王紀。」

〔三〕紫宮：天帝所居之宮。《淮南子·天文訓》：「紫宮者，太一之居也。」玄象：謂日月星辰在天所成之象。《後漢書·鄧曄傳》：「王莽時寇賊群發，曄乃仰占玄象。」

〔四〕軒台：即軒轅台。《藝文類聚》卷六二引《山海經》：「西王母之山有軒轅台，射者不敢西向，畏軒轅之台。」逖聽：《史記·司馬相如列傳》：「率爾者踵武，逖聽者風聲。」集解：「徐廣曰：逖，遠也。聽察遠古之風聲。」良書：經典之作。《拾遺記》卷四：「（張儀、蘇秦）剝樹皮編以為書帙，以盛天下良書。」

〔五〕大光嚴殿：在華林園內，太清元年春，梁武帝於此講經。見《南史·梁本紀中》。

〔六〕功深大壯：《易·大壯》：「大壯，利貞。」疏：「壯者，強盛之名。以陽稱大，陽長既多，是大者盛壯，故曰大壯。」又《易·系辭下》：「上古穴居而野處，後世聖人易之以宮室，上棟下宇，以待風雨，蓋取諸《大壯》。」

〔七〕三光：《白虎通·封公侯》：「天有三光日月星，地有三形高不平。」

〔八〕含超百堵：《詩·小雅·鴻雁》：「之子於垣，百堵皆作。」傳：「一丈為板，五板為堵。」又《文選·魏都賦》：「宣王中興，而築室百堵。」

〔九〕心華：佛教術語，喻純淨之心。《大方廣佛嚴經》卷十三：「猶如滿月出現虛空，令可化者心華開敷。」良匠：技藝高超的工匠。

〔十〕不藉子來而成：《詩·大雅·靈台》：「經始靈台，經之營之。庶民攻之，不日成之。經始勿亟，庶民子來。」箋：「文王應天命，度始靈台之基趾，營表其位，眾民則築作，不設期日而成之……眾民各以子成父事而來攻之。」

〔十一〕浮國：喻佛學聖地。董落之禮：謂儒學經師講誦之禮。董，董仲舒。落，落帷、下帷。《漢書·董仲舒傳》：「董仲舒，廣川人也，少治《春秋》，孝景時為博士，下帷講誦，弟子傳以次相授業，或莫見其面。」

〔十二〕釋宮：奉佛之宮，即大光嚴殿。鹿鳴之宴：《詩·小雅·鹿鳴》：「呦呦鹿鳴，食野之蘋。我有嘉賓，鼓瑟吹笙。」序：「鹿鳴，燕群臣嘉賓也。」

〔十三〕妙勝：玄妙精深。佛吼：喻佛祖講經，聲震天地。《維摩經·佛國品》：「演法無畏，猶獅子吼，其所講說，乃如雷震。」

〔十四〕摩尼之殿：彌勒菩薩所居。亦闡法音：謂講經。

〔十五〕天居：喻天子之位。無相：謂越絕眾相之理。真：至理、真諦。

〔十六〕率土：猶言海內。《詩·小雅·北山》：「溥天之下，莫非王土，率土之濱，莫非王臣。」化俗：教化眾生。

〔十七〕陘山：又稱邢山，位於今河南新鄭市西南。《晉書·杜預傳》：「吾往為台郎，嘗以公事使過密縣之邢山，山上有塚，問耕夫，雲是鄭大夫祭仲，或雲子產之塚也。遂率從者祭而觀焉。」

〔十八〕仙岩：山名。《讀史方輿紀要》卷九四：「仙岩山，在（里安）縣東四十裏，當大羅山之陽，山巔有皇帝池，廣五百餘畝……《道書》以為第二十六福地。」

〔十九〕西都鳳凰：《漢書·宣帝紀》：「（神爵）四年春二月，詔曰：「乃者鳳凰、甘露降集京師，嘉

瑞並見，修興泰一五帝后土之祠，祈為百姓蒙祉福。」

「二〇」負陽驚鷺：《國語·周語上》：「周之興也，鷺鷥鳴於岐山。」韋昭注：「三君雲：鷺鷥，鳳之別名也。」

重請御講啟

臣綱臣綸臣紀言：一日輕最上聞^{〔二〕}，願垂法雨^{〔三〕}，天鑒凝遠，未蒙降遂。預均藥木^{①〔三〕}，誠同器水^{〔四〕}，徒美春華，還憐秋藿^{〔五〕}。伏惟陛下，德冠受圖^{〔六〕}，道隆言契^{〔七〕}，四三六五不能喻^{〔八〕}，十堯九舜無以方^{〔九〕}。而秋風動條，尚興未息之念；一物失所，猶起納隍之仁。方留衢室之情^{〔十〕}，未議石渠之講^{〔十一〕}。竊以神通所現，一念萬機；大權所行，應時三密^{〔十二〕}。猶處禪寂，影現十方^{〔十三〕}；一起道場，已爲八會^{〔十四〕}。豈與吹律之后，均熊湘之勞^{〔十五〕}；鑄鼎之君，切風雨之務^{〔十六〕}。伏願以平等慧^{〔十七〕}，行如來慈，爲度蒼生^{〔十八〕}，降希有事，使朝滿一乘，情皆十善^{〔十九〕}。智珠法炬^{〔二十〕}，人人竝持；四忍五明^{〔二十一〕}，家家可望。謹冒天威，重以聞啟，翹誠注仰，伏希允遂。使北冀無山，豈自高於曩日^{〔二十二〕}；

南陽迴景，不獨隔於當今^{〔三〕}。謹啟。

校記

① 均，閩本作「同」。

注釋

「一」輕最：輕佻犯取，有不敬、冒犯之義。《荀子·不苟》：「喜則輕而翾。」楊倞注：「輕，謂輕佻失據。」《說文》：「最，犯取也。」

「二」法雨：佛學術語，喻佛法，言佛法普度眾生，有如雨露滋潤萬物。《法華經·化城喻品》：「普法大法雨，度无量眾生。」

「三」藥木：即藥草。《妙法蓮華經》卷三：「雨之所潤，無不豐足，干地普洽，藥木並茂。」

「四」誠同器水：《太平御覽》卷六五引《耆老傳》：「仙人許遜為蜀旌陽令，有奇術。晉末，人皆疫癘，多往蜀詣遜求救。遜與一器水投於上流，疾者飲之无不愈也。」

「五」秋藿：即秋之藜藿，秋草也。《文選·吳都賦》：「草則藿納豆蔻。」

「六」德冠受圖：《易·系辭上》：「河出圖，洛出書，聖人則之。」又《藝文類聚》卷十一引《河圖挺佐輔》：「皇帝修德立義，天下大治，召天老而問焉：余夢兩龍，挺白圖，以授余于河之都。天老曰：……」

天其授帝圖乎？……乃與天老迎之，五色畢具，魚汎白圖，蘭葉朱文，以授皇帝，名曰《錄圖》。」

〔七〕道隆言契：《易·系辭下》：「上古結繩而治，後世聖人易之以書契。」又《尚書序》：「古者伏羲氏之王天下也，始畫八卦，造書契，以代結繩之政，由是文籍生焉。」

〔八〕四三六五不能喻：言梁武帝之德行功業已超越古代聖王。三，即三皇；五，即五帝。江淹《為齊王讓禪表》：「聲震開辟，仁功古今，四三王而六五帝，不亦休哉。」

〔九〕十堯九舜無以方：句義與上文相同。《韓非子·功名》：「非天時，雖十堯不能冬生一穗。」又沈約《為始興王讓禮儀同表》：「陛下道苞九舜，明出十堯。」

〔十〕衢室：唐堯聽政之處。《管子·桓公問》：「皇帝立明台之議者，上觀於賢也；堯有衢室之問者，下聽於人也。」

〔十一〕石渠：《漢書·楚元王傳》：「會初立《穀梁春秋》，徵更生受《穀梁》，講論《五經》於石渠。」顏師古注：「《三輔舊事》云，石渠閣在未央大殿北，以藏秘書。」

〔十二〕三密：佛學術語，謂身密（佛身形時有神變，不可思議）、語密（佛說法，遠近皆得聞，然听者各有心性，所聞不同，不可思議）、意密（佛常處寂定，所思所想，不可思議）。

〔十三〕十方：佛學術語，指天、地、東、西、南、北、生門、死位、過去、未來。《宋書·夷蠻列傳》：「世尊威德，身光明照，如水中月，如日初出，眉間白豪，普照十方，其白如雪，亦如月光……」

〔十四〕八會：據《華嚴經》，佛陀就該經有過八次說法會，分別為：寂滅道場會、普光法堂會、切

利天工會、夜摩天宮會、兜率天宮會、他化天宮會、普光重說會、只園重閣會。

〔十五〕吹律之後：《白虎通·姓名》：「聖人吹律定姓，以紀其族。」又《太平御覽》卷三六二引《易類謀》：「皇帝吹律定姓。」熊湘之勞：《史記·五帝本紀》：「（黃帝）未嘗甯居，東至于海，登丸山……南至于江，登熊湘。」正義：「《括地志》云：熊耳山在商州上洛縣西十里，齊桓公登之以望江漢也。湘山，一名扁山，在岳州巴陵縣南十八里也。」

〔十六〕鑄鼎：《史記·孝武本紀》：「黃帝采首山銅，鑄鼎於荆山下。鼎既成，有龍垂胡髯下迎黃帝。」切宮雨之務：《漢書·成帝紀》：「詔曰：古之選賢傳，納以言，明試以功。故官無廢事，下無逸民，教化流行，風雨和時，百穀用成，眾庶樂業，咸以康寧。」

〔十七〕平等：佛學術語。對於差別之稱。謂無高下淺深之別。

〔十八〕如來慈：菩薩名。胎藏界曼荼羅迦院釋尊之右第八位。梵號怛他蘖多昧底哩，譯言如來慈，密號護念金剛。司四無量心中之慈德。肉色，捧荷葉，中盛蓮華，著羯磨衣，冥坐於荷葉。度蒼生：即度眾生。

〔十九〕一乘：佛學術語。謂成佛唯一之教也。乘為車乘，以譬佛之教法。教法能載人運於涅槃岸，故謂之乘。《法華經·方便品》曰：十方佛土中，唯有一乘法，無二亦無三。十善：亦佛學術語，謂不殺、不盜、不淫、不貪、不瞋、不癡、不兩舌、不惡口、不妄言、不綺語。

〔二〇〕智珠：佛學術語，喻智慧圓妙。法炬：亦佛學術語，喻佛法如光，遍照萬物。

「二一」四忍：已見《望同泰寺浮圖》注。五明：「明」謂學問，亦曰五明處，分指：声明（文字音韻）、工巧明（各類實踐技術）、醫方明（醫療醫藥）、因明（推理論辯）、內明（佛學本身）。

「二三」使北冀二句：《史記·秦始皇本紀》：「三十二年，始皇之碣石，使燕人盧生求羨門、高誓。刻碣石門、壞城郭，決通隄防。其辭曰：「……皇帝奮威，德并諸侯，初一泰平……群臣誦烈，請刻此石，垂著儀矩。」又揚雄《冀州箴》：「洋洋冀州，鴻源大陸……潺湲河流，表以碣石。」

「二三」南陽迴景二句：景，謂身影，謝靈運《酬从弟惠連》：「分離別四川，迴景歸東山。」《後漢書·光武帝紀下》：世祖光武皇帝諱秀，字文叔，南陽人。建武十九年秋九月，「南巡狩，壬申，幸南陽，進幸汝南南頓縣舍，置酒會，賜吏人，復南頓田租歲。父老前扣頭言：「皇考居此日久，陛下識知寺舍，每來輒加厚恩，願賜復十年。」帝曰：「天下重器，常恐不任，日復一日，安敢遠期十歲乎？」吏人聞言：「陛下實惜之，何言謙也？」帝大笑，復贈一歲。」

又請御講啟

臣綱臣綸臣紀言：敢藉寵靈^{〔一〕}，頻干聰覽，再降神旨，未垂臨燭^{〔二〕}。伏以皇政廣

覃^{〔三〕}，天覆悠遠，海河夷晏，日月貞明，洛水有稱蕃之胡^{〔四〕}，藥街有歸命之虜^{〔五〕}；春戈已戢^{〔六〕}，秋塵不飛^{〔七〕}，槐棘均多士之詩^{〔八〕}，貂璫有得賢之頌^{〔九〕}。聖德沖謙，劬勞日昃，猶以時多禹歎^{〔十〕}，物未堯心^{〔十一〕}，百辟慚惶，群司聳蕩。臣等或三善靡聞，或一官不效^{〔十二〕}，嗜鮑逢宰相之請^{〔十三〕}，學儉得參軍之譏^{〔十四〕}，而自以結根天苑^{〔十五〕}，竊高前載。是以匪懼塵黷^{〔十六〕}，復敢上聞，伏願樂說大慈，物垂矜許。放光動地，不以法妨俗；隨機逗藥^{〔十七〕}，不以人廢言。俾茲含生，凡厥率土，心花成樹^{〔十八〕}，共轉六塵^{〔十九〕}，鏡裏得珠^{〔二十〕}，俱開三障^{〔二十一〕}。於其誠願，孰不幸甚，累冒宸嚴^①，倍增戰息。謹啟。

校記

① 累，閭本作「屢」。

注釋

〔一〕 寵靈：恩寵榮耀。《左傳·昭公七年》：「今君若步玉趾，辱見寡君，寵靈楚國。」

〔二〕 臨燭：同「燭臨」，謂廣施教化。《漢書·翼奉傳》：「今陛下明聖，深懷要道，燭臨萬方，布德流惠。」

〔三〕 廣覃：猶言廣深。